

Kepada : Semua Ketua Pusat Tanggungjawab

Daripada : Pemangku Bendahari

Ruj. Kami : UPSI/BEN/PEM/687 Jld. 16 (53)

Tarikh : 06 Januari 2020
10 Jamadil Awal 1441H

Pelaksanaan Langkah Penjimatan Perkhidmatan Sedia Makanan Penganjuran Program/Aktiviti Di Peringkat Pusat Tanggungjawab (PTj)

Dengan segala hormatnya perkara di atas adalah dirujuk.

2. Berdasarkan kepada analisis perbelanjaan Universiti bagi tahun 2017, 2018 dan 2019, jumlah perbelanjaan perkhidmatan sedia makanan meningkat dari tahun ke tahun dan ianya merupakan salah satu perbelanjaan yang tertinggi. Semakan mendapati punca perbelanjaan sedia makanan ini meningkat adalah disebabkan oleh program/aktiviti yang berulang/redundant di peringkat PTj seperti Majlis Apresiasi Pelajar Peringkat Fakulti, Taklimat Bulanan Peringkat Fakulti & Kolej Kediaman.

3. Sehubungan dengan itu, selaras dengan dasar perbelanjaan berhemah, PTj diminta untuk melaksanakan langkah penjimatan seperti berikut :-

- i. merancang program/aktiviti anjuran PTj supaya tidak berulang/redundant di antara PTj dan UPSI. Contohnya PTj dimohon tidak menganjurkan program/aktiviti yang telah dianjurkan oleh Universiti seperti Majlis Hari Raya Peringkat PTj, Majlis Apresiasi Graduan di peringkat PTj. Sekiranya ingin dianjurkan juga ianya tidak melibatkan peruntukan mengurus PTj yang sepatutnya digunakan untuk program/aktiviti PdP di PTj masing-masing;
- ii. tidak menggalakkan PTj membuat perkhidmatan sedia makanan bagi program/aktiviti perjumpaan di peringkat PTj yang dibuat setiap bulan. Sebagai contoh, taklimat Dekan bersama pelajar dan taklimat bulanan Pengetua bersama pelajar-pelajar kolej kediaman masing-masing;
- iii. mengawal perbelanjaan perkhidmatan sedia makanan di PTj dengan tidak membuat tempahan secara berlebihan dari segi kuantiti serta berhemah dalam berbelanja dengan tidak menggunakan sehingga maksimum had syiling kadar makan/jamuan.



4. Oleh yang demikian, semua PTj diminta untuk melaksanakan langkah penjimatan tersebut agar perbelanjaan Universiti digunakan dengan penuh berhemah. Sekiranya terdapat sebarang pertanyaan, sila hubungi En. Sayed Muhd Arif bin Sayed Yahya di talian 05-450 6301 atau Puan Noriah binti Serbaini di talian 05-450 6921.

Sekian untuk makluman dan tindakan lanjut tuan/puan. Terima kasih.

Saya yang menjalankan amanah,



(HJ. MOHAMAD NAJIB BIN HJ. MOHAMED)
Pemangku Bendahari

s.k. : Yg. Bhg. Dato Naib Canselor
Timbalan Naib Cancelor (Akademik dan Antarabangsa)
Timbalan Naib Cancelor (Penyelidikan dan Inovasi)
Timbalan Naib Cancelor (Hal Ehwal Pelajar & Alumni)
Pendaftar
Ketua Bahagian Audit Dalam
Ketua Pegawai Integriti

